

GweithdaiAber:

Gwleidyddiaeth Ryngwladol

Dod â'n harbenigwyr
academaidd at
eich dysgwyr



Beth yw GweithdaiAber?

Mae GweithdaiAber yn rhoi cyfle i'ch dysgwyr gael trafod â'n staff academiaidd cyfeillgar a chael eu dysgu ganddynt.

Bydd ein staff yn trafod deunydd safonol yn y pwnc, ac yn ogystal â sicrhau bod y disgyblion yn dysgu mwy am y maes, y nod hefyd yw eu hannog i ystyried mynd ymlaen i astudio Gwleidyddiaeth Ryngwladol ac ystadegaeth yn y dyfodol.

Mae gennym amrywiaeth o ddarlithoedd/gweithdai â gogwydd academiaidd iddynt i'w cynnig mewn nifer o wahanol bynciau. Er na ellir gwarantu y bydd pob gweithdy wastad ar gael, mae GweithdaiAber yn hyblyg:



Gallwn eu hamrywio o ran eu hyd



Maent yn addas i gynulleidfaoedd bach neu fawr



Cyflwynadwy i grŵpiau blwyddyn 12-13



Ar gael dros y we



Ar gael wyneb-yn-wyneb yn yr ysgol neu'r coleg



Ar gael ar gampws Prifysgol Aberystwyth



Ar gael i ddysgwyr heb unrhyw wybodaeth flaenorol am y pwnc, yn ogystal â'r rhai sydd â diddordeb yn y maes. Nid oes rhaid i ddysgwyr fod yn astudio'r Gwleidyddiaeth Ryngwladol yn yr ysgol neu'r Coleg.



I archebu gweithdy neu i gael gwybod mwy, anfonwch e-bost i aberworkshops@aber.ac.uk


Cyflwyniad i'r Adran Wleidyddiaeth Ryngwladol

Wedi'i sefydlu ym 1919, dyma'r Adran Wleidyddiaeth Ryngwladol gyntaf yn unrhyw le yn y byd! Cafodd ei chreu mewn cyfnod o helbul ac ansicrwydd mawr er mwyn astudio a hyrwyddo diogelwch, heddwch a chyfiawnder. Mae'r ymchwil a'r dysgu yn yr Adran heddiw yn parhau i ganolbwyntio ar y materion pwysig hyn.

Rydym yn cyfuno'r enw da sydd gennym yn rhyngwladol am feddwl yn arloesol am wleidyddiaeth a chysylltiadau rhyngwladol â chymuned glòs o staff a myfyrwyr. Mae ein staff yn addysgu yn eu maes arbenigedd, felly mae myfyrwyr yn dysgu am y pynciau a'r syniadau cyffrous diweddaraf.

Mae ein cysiau yn hyblyg ac amrywiol. Rydyn ni'n cynnig cynlluniau gradd mewn gwleidyddiaeth a chysylltiadau rhyngwladol, yn ogystal â newid hinsawdd, hanes milwrol a strategaeth,

cudd-wybodaeth a diogelwch. Mae ein modiwlau yr un mor amrywiol: mae myfyrwyr yn dewis o tua 20 modiwl y flwyddyn ym mlyneddau dau a thri, gan deilwra eu cwricwlwm i weddu i'w diddordebau. Gall myfyrwyr hefyd ymuno â'n Gêm Efelychu Argyfwng flynyddol, treulio semester yn astudio dramor, a phrofi gwleidyddiaeth o ddydd i ddydd drwy'r Cynllun Lleoliadau Seneddol yn San Steffan neu Senedd Cymru. Mae'r holl gynlluniau hyn yn rhoi dysgu ar waith ac yn gwella cyflogadwyedd myfyrwyr!



Gweithdai a gaiff eu cynnig drwy GweithdaiAber

Teyrnas Unedig? - Dr Elin Royles

CY

EN

MP

Rh

Er y byddai'r sefyllfa bron yn anghredadwy genhedlaeth yn ôl, heddiw mae dadl wirioneddol ynghylch a all undeb y Deyrnas Gyfunol oroesi. Mae ffactorau amrywiol yn cyfrannu i'r sefyllfa hon, gan gynnwys: twf mudiadau annibyniaeth (yn enwedig yn yr Alban, ond hefyd yng Nghymru); diddordeb cynyddol mewn ail-uno ar draws ynys Iwerddon; ac ymdeimlad ymhlith rhai pleidleiswyr Seisnig bod Lloegr yn cael ei thrin yn annheg o fewn yr undeb. Mae rhaniadau gwleidyddol a chyfansoddiadol hefyd wedi cael eu dwysáu gan Brexit a phandemig COVID-19. Gan ddefnyddio dulliau rhyngweithiol, mae'r sesiwn hon yn archwilio gwahanol ddadleuon a gyflwynwyd i gefnogi undod y Deyrnas Unedig a gyflwynwyd gan wleidyddion blaenllaw gan gynnwys Boris Johnson, Rishi Sunak, Gordon Brown a Mark Drakeford. Mae'n archwilio eu gwahanol weledigaethau ar gyfer dyfodol y Deyrnas Unedig ac yn gwahodd myfyrwyr i werthuso eu cynigion.

Themâu Maes Llafur Safon Uwch: Cyfansoddiad anysgrifenedig y DU; Sofraniaeth seneddol; Datganoli; Cenedlaetholdeb ac unoliaetholdeb mewn gwahanol rannau o'r DU.

Anghyfartaledd Byd-Eang - Dr Elin Royles

CY

MP

Rh

Ers degawdau, mae anghyfartaledd byd-eang, sef y dosbarthiad anghyfartal o adnoddau, cyfleoedd a grym rhwng gwladwriaethau a phobl, ar gynydd. Bydd y sesiwn rhyngweithiol hon yn mynd ati i ddeall natur yr anghydraddoldeb hwn ac yn gofyn a ddylai gwledydd y gorllewin boeni am yr anghydraddoldeb sy'n nodwedd o wleidyddiaeth fyd-eang ac a ddylent ymateb iddo. Bydd y disgyblion hefyd yn wynebu'r her o benderfynu sut i ddosrannu cyllid i gefnogi gwledydd ble mae problemau difrifol (boed yn economaidd, gwleidyddol neu'n gymdeithasol). Dyma sesiwn sydd wedi ei theilwra ar gyfer disgyblion sy'n astudio gwahanol bynciau Lefel A megis gwleidyddiaeth, hanes a daearyddiaeth.

Themâu Maes Llafur Safon Uwch: Gwleidyddiaeth a materion byd-eang; Globaleiddio; Gwrthdaro; Tlodi; Hawliau Dynol; yr Amygylchedd.

Allwedd:

EN Gellir ei gyflwyno yn Saesneg

MP Gellir ei gyflwyno mewn person

CY Gellir ei gyflwyno yn Gymraeg

Rh Gellir ei gyflwyno yn rhithiol

Deall cenedlaetholdeb mewn theori ac ymarfer - Dr Catrin Wyn Edwards

CY

MP

Rh

Bydd y sesiwn rhyngweithiol hon yn cyflwyno trafodaethau damcaniaethol allweddol i'r disgyblion ynghylch sut mae cenedlaetholdeb a chenhedloedd yn ffurfio a'u swyddogaeth mewn gwleidyddiaeth gyfoes. Byddwn yn trafod gwahanol fodelau ar gyfer deall cenedlaetholdeb megis dicotomi'r sifig yn erbyn yr ethnig sydd wedi dod i nodweddu'r maes yn ogystal â chysyniadau allweddol ar gyfer creu a chynnal y genedl megis 'cymunedau sydd wedi'u creu' (Anderson 1983) a 'thraddodiadau sydd wedi'u dyfeisio' (Hobsbawm 1983).

Themâu Maes Llafur Safon Uwch: Tarddiad syniadau cenedlaetholgar; Dicotomi'r sifig yn erbyn yr ethnig; Rôl hanes, iaith, diwylliant a symbolau cenedlaethol wrth hyrwyddo hunaniaeth; Cysyniadau cenedlaetholdeb gwleidyddol.

Ymgyrchu! Protestio! Beth yw rôl carfanau pwysu? - Dr Elin Royles

CY

MP

Rh

Amcan y sesiwn rhyngweithiol hon fydd cymharu a chloriannu'r dulliau ymgyrchu gwahanol a ddefnyddir gan garfanau pwysu. Cyflwynir mathau gwahanol o garfanau pwysu i'r disgyblion gan edrych ar sut mae carfanau pwysu yn dylanwadu, drwy ganolbwyntio ar fannau mynediad, dulliau gweithredu uniongyrchol a lobio ac aelodaeth. Byddwn hefyd yn myfyrto ar ddadleuon ynghylch p'un a yw carfanau pwysu yn atgyfnerthu democratiaeth neu'n ei gwanhau. Bydd disgwyl i fyfyrwyr weithio mewn grwpiau i gynllunio ymgyrch wleidyddol sy'n ymateb i sefyllfa benodol.

Themâu Maes Llafur Safon Uwch: Carfanau pwysu a chyfranogiad mewn gwleidyddiaeth; Nodweddion carfanau pwysu; Mathau gwahanol o garfanau pwysu a'u dulliau.

Crisis of Democracy in the USA? - Dr Jenny Mathers / Dr Lucy Taylor

EN

MP

Rh

Cyfeirir yn aml at yr UDA fel esiampl arwyddocaol o ddemocratiaeth, ond mae digwyddiadau yn y blynyddoedd diweddar wedi amlygu heriau difrifol i sefydliadau democrataidd yr Unol Daleithiau ac i ddiwylliant democratiaeth America. Mae'r gweithdy hwn yn ystyried system wleidyddol yr UDA, trwy drafod themâu cyfoes allweddol, sef: y polareiddio rhwng y ddwy brif blaid wleidyddol; hawliau pleidleiswyr ac atal pleidleiswyr; a goblygiadau ôd o Ionawr 2021. Mae'r sesiwn hon yn un gwbl rhyngweithiol, ac yn edrych y tu ôl i benawdau'r newyddion i archwilio ystyr democratiaeth a'r berthynas rhwng sefydliadau'r wladwriaeth a diwylliant democrataidd.

Themâu Maes Llafur Safon Uwch: Llywodraeth a gwleidyddiaeth UDA; Proses etholiadol a democratiaeth uniongyrchol; Pleidiau gwleidyddol; Hawliau sifil.

Covert actions and targeted assassinations: a global perspective – Dr Aviva Guttman

Pan laddwyd pennaeth Hamas, Ismail Haniyeh, yn Iran ym mis Gorffennaf 2024, roedd pawb yn gwybod mai asiantaeth cudd-wybodaeth gyfrinachol Israel, Mossad, oedd y tu ôl iddo. Mae hon yn enghraifft wych o weithred gudd a oedd yn fwriadol wedi gadael llwybr i'r cyflawnwr. Yn y gweithdy rhyngweithiol hwn, cyflwynir myfyrwyr i gysyniadau mewn astudiaethau cudd-wybodaeth megis 'gwadadwyedd annhebygol' a thrafod arferion lladd wedi'i dargedu ledled y byd.

Themâu Maes Llafur Safon Uwch: Materion byd-eang cyfoes (gwrthdaro); Sofraniaeth; Globaleiddio; Hawliau dynol; Damcaniaethau cymharol.

EN

MP

Rh

The Crisis of the Liberal International Order and what might come next – Dr Kamila Stullerova

Mae'r Drefn Ryngwladol a arweinir gan yr Unol Daleithiau yn cael ei herio o ddwy ochr. Yn gyntaf, cyflwynir heriau gan gystadleuwyr yr Unol Daleithiau, yn benodol Tsieina a Rwsia. Yn ail, ceir anfodlonrwydd mewnol â democratiaethau rhyddfrydol a'u rôl mewn gwleidyddiaeth ryngwladol, fel y'i mynegwyd gan sawl cyhoeddwr democrataidd ers 2016. A ydym i ddod i'r casgliad, felly, fod cyfnod y Drefn Ryngwladol Ryddfrydol ar ben ac y bydd gwleidyddiaeth ryngwladol yn cael ei threfnu gan wahanol werthoedd, sefydliadau ac egwyddorion na'r rhai sy'n gysylltiedig â rhyddfrydiaeth ar ôl yr Ail Ryfel Byd: hawliau dynol, masnach rydd, cyfraith ryngwladol ac ofn pŵer arfau niwclear? Byddwn yn trafod y cwestiynau hyn yn y gweithdy.

Themâu Maes Llafur Safon Uwch: Gwleidyddiaeth Fyd-eang, materion byd-eang cyfoes (gwrthdaro), sofraniaeth a globaleiddio, syniadau gwleidyddol.

EN

MP

Rh

Allwedd:

EN

Gellir ei gyflwyno yn Saesneg

CY

Gellir ei gyflwyno yn Gymraeg

MP

Gellir ei gyflwyno mewn person

Rh

Gellir ei gyflwyno yn rhithiol

Russian aggression against Ukraine and the role of nuclear weapons – Dr Jan Ruzicka

Sut allwn ni ddeall y cymhellion y tu ôl i ymosodiad Rwsia ar Wcráin? Mae straeon newyddion a sylwebyddion yn aml wedi canolbwyntio ar uchelgais bersonol neu gyflwr seicolegol Vladimir Putin wrth egluro gweithredoedd Rwsia. Efallai mai rhan o'r ateb yw'r rhain – ond beth arall allai fod yn digwydd? Mae'r gwrthdaro yn Wcráin wedi ein hatgoffa bod arfau niwclear yn dal yn berthnasol yng ngwleidyddiaeth y byd. Mae bygythiadau niwclear Rwsia wedi sbarduno sgysiau newydd am y risg o wrthdaro niwclear a'r rôl y mae arfau niwclear yn ei chwarae i wladwriaethau a'u diogelwch yn yr 21ain ganrif. Yn y gweithdy hwn, byddwn yn archwilio pam mae gwladwriaethau'n mynd i ryfel yn yr 21ain ganrif, rhai o'r esboniadau posibl am ymddygiad Rwsia, ac a oes unrhyw ragolygon ar gyfer heddwch yn Wcráin.

Themâu Maes Llafur Safon Uwch: Gwleidyddiaeth fyd-eang; Arwyddocâd pwerau sy'n ymgryfhau (Rwsia); Materion byd-eang cyfoes (gwrthdaro).

EN

MP

Rh



Adran Gwleidyddiaeth Ryngwladol,
Prifysgol Aberystwyth,
Aberystwyth,
Ceredigion, SY23 3FE

+44 (0)1970 62 1537
@ gwleidyddiaeth@aber.ac.uk
/InterPolAber
/interpolaber
/interpolaber
InterPolAber

Wedi'u dylunio a'u cynhyrchu gan yr Adran Farchnata Byd-eang
a Denu Myfyrwyr, Prifysgol Aberystwyth 2025.

